

आकाशवाणीखबरां

1. राष्ट्रपति द्रौपदी मुर्मू होरें आखेआ ऐ जे आर्टिफिशियल इंटेलिजेंस छड़ा इक तकनीक गै नेई भारत च सकारात्मक बदलाव दा शानदार मौका बी ऐ।
2. प्रधानमंत्री नरेंद्र मोदी होर तौले गै गुवाहाटी ते कोलकाता बश्कार वंदे भारत स्लीपर ट्रेन दी शुरूआत करी देडन।
3. केंद्र सरकार नै 4 नमीं, श्रम संहिताएं लेई नियमें दा मसौदा जारी करी दिता ऐ।
4. भारती रिजर्व बैंक दा आखना ऐ जे भारती अर्थ बवस्था एल्लै मजबूत स्थिति च ऐ ते इस ब'रे बी एहदे इस्सै चाल्ली बरोस करने दी मेद ऐ।
5. प्रधानमंत्री मातृवंदना योजना गी अज्ज 9 ब'रे पूरे होई गए न।
6. पैहली फरवरी कोला सब्बै नमे फास्ट-टैग जारी करने लेई कारें दे के.वाई.वी कार्ड बंद करी दिते जाडन।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

Prez. AI

राष्ट्रपति द्रौपदी मुर्मू होरें आखेआ जे भारत दुनिया दी त्रीऽ सभनें शा बड्डी अर्थ बवस्था बनने आली बक्खी तेजिया कन्नै बदा'रदा ऐ ते आर्टिफिशियल इंटेलिजेंस भारती अर्थबवस्था दे विकास वाहक दे रूप च उभरा'रदा ऐ। अज्ज राष्ट्रपति भवन च कृत्रिम बुद्धिमत्ता तत्परता कुशलता दे तैह्त्त विशेष कार्यक्रम गी संबोधत करदे होई राष्ट्रपति होरें आखेआ जे आर्टिफिशियल इंटेलिजेंस बस इक्क तकनीक नेई, सगुआं भारत च सकारात्मक बदलाव दा मौका ऐ। उनें गलाया जे औने आहले दाहके च देश दे सकल घरेलू उत्पाद, रोजगार ते समग्र उत्पादकता च महत्वपूर्ण भूमिका निभाग। श्रीमती द्रौपदी मुर्मू होरें आखेआ जे डेटा विज्ञान, आर्टिफिशियल इंजीनियरिंग ते डेटा विश्लेषण जनेय कौशल दा देश च ए.आई प्रतिभा पूल विकसित करने च महत्वपूर्ण योगदान होग। राष्ट्रपति मुर्मू होरें आखेआ जे भारत जनेय युवा राश्ट्र आस्तै आर्टिफिशियल इंटेलिजेंस छड़ा प्रौद्योगिकी नेई सगुआं सकारात्मक बदलाव दा अद्भुत मौका ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

Vande Bharat Sleeper

रेल मंत्री अश्विनी वैष्णव होरें घोषणा कीती ऐ जे देश दी पेहली वंदे भारत स्लीपर ट्रेन तौले गै गुवाहाटी ते कोलकाता बश्कार चलो। अज्ज नमीं दिल्ली च प्रेस कांफ्रेंस च श्री वैष्णव होरें आखेआ जे प्रधानमंत्री नरेन्द्र मोदी अगले 15 थमां 20 दिनें च इस ट्रेन गी रवाना करडन। उनें गलाया जे रेलवे नै स्वदेशी रूप कन्नै डिज़ाइन ते निर्मित वंदे भारत स्लीपर ट्रेन दा अखीरी हाई-स्पीड परीक्षण सफलतापूर्वक पूरा करी लैता ऐ। उनें गलाया जे 16 कोच आहली एह स्लीपर ट्रेन इक हज़ार थमां डेड हज़ार किलोमीटर तगर दी लम्मी दूरी दी यात्रा आस्तै शुरू कीती जा'रदी ऐ। श्री वैष्णव होरें आखेआ जे एह ट्रेन आरामदायक स्लीपर सीट, स्वचालित दरवाज़े ते आधुनिक शौचालय समेत अत्याधुनिक सुविधाएं कन्नै लैस ऐ। केन्द्री मंत्री होरें आखेआ जे रूट्टी दे कन्नै वातानाकूलित तृतीय श्रेणी दा कराया करीब 2 हज़ार 300 रुपये, वातानाकूलित द्वितीय श्रेणी आस्तै त्रै हज़ार रुपये ते वातानाकूलित प्रथम श्रेणी आस्तै त्रै हज़ार 600 रपे होग।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

Indo-Pak Nuclear

भारत ते पाकिस्तान नै अज्ज परमाणु प्रतिष्ठानें ते सुविधाएं पर हमला निषेध समझौते दे तैह्त्त परमाणु प्रतिष्ठानें ते सुविधाएं दी सूची दा आदान-प्रदान कीता। एह सूची नमी दिल्ली ते इस्लामाबाद च इक्कै बार राजनयिक चैनलें दे राएं सांझा कीती गेई। विदेश मंत्रालय नै इक बयान च आखेआ जे समझौते मुजब दोनें देश हर ब'रे 1 जनवरी गी इक-दुए गी परमाणु प्रतिष्ठानें गी सुविधाएं दी जानकारी दिंदे न। इस समझौते पर 31 दिसंबर 1988 गी हस्ताक्षर कीते गए ते एह 27 जनवरी 1991 थमां लागू होआ हा। दोनें मुल्लें बश्कार इस्सै चाल्ली दी सूचिएं दा एह लगातार 35मां आदान-प्रदान ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## Year End Reforms

बरे 2025 तगर आलमी सतह पर भारत गी लेइयै दुनिया दी सोच च बड़े बड़े ते सकारात्मक बदलाव आई गेदे ना। हुन सोआल एहू नेई ऐ जे भारत अगो बधग जां नेई सगुआं एहू ऐ जे किन्नी तौले ते किन्ना अगो बधग। यक्को-तक्की ते नीतिएं च लगातार आवा करदे बदलावें आली इस दुनिया च भारत नै लगातार नमिएं आसें-तांगें दे कन्नै अगो बधने करी इक बक्खरी थाह हासल करी लैती दी ऐ। माली इदारें, बक्ख-बक्ख धड़ें दी शमूलियत आले मंचें, सामरिक महत्व आले केंद्रें ते आलमी सतह दी मीडिया च बी भारत गी इक ऐसे मुख दे तौर पर दिखेआ जा'रदा ऐ जेहड़ा लम्मी अवधि आली योजनाएं गी लेइयै चला करदा ऐ ते विजन रौला पाए दे। चुपचाप बड़े नतीजे बी हासल करा'रदा ऐ। विश्व बैंक दे अलावा एशिया पावर इंडेक्स ते एसएण्डपी ग्लोबी जनेही संस्थाएं बी भारत दी विकास जातरा ते उपलब्धिएं दी तस्दीक कीती ऐ।

<><><><><><>

## LPG Cylinder Hike

तेल विपणन कंपनियें महानगरें च व्यावसायिक एलपीजी सिलेंडर दे भाएं च 111 रुपये दा बाढ़ा कीता ऐ। इंडियन ऑयल कॉर्पोरेशन लिमिटेड मुजब दिल्ली च व्यावसायिक एलपीजी सिलेंडरें दी खुदरा कीमत हुन 1 हजार 691 रुपये 50 पैहे होई गई ऐ। कोलकाता च इक हजार 795 रुपये, मुंबई च 1 हजार 531 रुपये 50 पैहे ते चेन्नई च 1 हजार 739 रुपये 50 पैहे होई गई ऐ। 19 किलोग्राम दे व्यावसायिक एलपीजी सिलेंडर दे संशोधित मूल्य अज्जे थमां लागू होई गए ना। घरेलू एलपीजी सिलेंडर दे भाएं च कोई बदलाव नेई होआ ऐ।

<><><><><><>

## Labour Codes Public

केंद्र सरकार नै 4 नमीं श्रम संहिताएं लेई नियमें दा मसौदा जारी करी दिता ऐ। इ'नें संहिताएं च उजरत सरबन्धी संहिता-2019, औद्योगिक सरबन्धें आली संहिता-2020, समाजी सुरक्षा सरबन्धी संहिता-2020 ते कम्मकाज आली थाहें पर सुरक्षा, सेहत ते खरे हालात सरबन्धी संहिता-2020 शामिल ना। इ'नें संहिताएं च गिग वर्कर सने श्रमिकें, उजरत, रोजार दी किस्म, गैच्युटी, बोनस ते समाजी सुरक्षा गी परिभाषत कीता गेदा ऐ। इ'नें मसौदा नियमें पर 45एं दे अंदर सब्बै सरबन्धत धड़ें अपने ऐतराज ते सुझाव दर्ज करोआई सकदे ना। श्रम मंत्रालय नै देशै च दहाकें थमां चला करदे श्रम कनूनें गी सौक्खा ते बवस्थित बनाने लेई पिच्छले बरे 21 नवंबर गी इ'नें 4 नमीं श्रम संहिताएं गी लागू करने दा ऐलान कीता हा। एहू नमियां श्रम संहिता देशै दे कार्यबल लेई बेहतर मंजूरी, सुरक्षा, समाजी सुरक्षा ते कल्याण यकीनी बनाडन।

<><><><><><>

## Indian-Economy

भारती अर्थ बवस्था तेजी कन्नै विकास दर्ज करा'रदी ऐ जेदे आस्तै बददी घलेलू मंग दरम्यानी महंगाई ते स्थाई आर्थिक नीतियां जिम्मेदार ना। रिजर्व बैंक ऑफ इंडिया नै एहू जानकारी नमीं फाइनेंशियल स्टेबिलिटी रिपोर्ट च दिती। इस रिपोर्ट च दस्सेआ गेदा ऐ जे घरेलू आर्थिक प्रणाली सेही रेई जिस करी मजबूत बैलेंस शीट, टिकाउ आर्थिक हाला ते आर्थिक बजारें च घट्ट उतार-चढ़ाव। रिपोर्ट च आखेआ गेआ ऐ जे वैश्विक अर्थ बवस्था नै विकास दर्ज कीता ऐ जिसी आर्टिफिशल इंटेलीजेंस च मजबूत निवेश दा सहयोग थहोआ ऐ।

<><><><><><>

## Ukraine

रूस दे कब्जे ओहले खेरसाँन इलाके च नमें बरे दी अद्दी रातीं त्रै यूक्रेनी ड्रोंनें कन्नै इक कैफे ते इक होटल पर हमला कीते जाने दी खबर ऐ। इनें हमले च 24 लोक मारे गे न ते 50 कोला मते जखमी होए दे ना। खेरसाँन दे गवर्नर वोलोदिमीर साल्दो होरें दस्सेआ जे एहू हमले उनें थाहरें पर कीते गे जित्थे लोक नमें बरे दा जश्र मनाने लेई किट्टे होए दे हे।

<><><><><><>

## Bangladesh

बंगलादेश की साबका प्रधानमंत्री ते अवामी लीग की अध्यक्ष शेख हसीना होरें मोहम्मद युनुस की अगुवाई आहली अंतरिम सरकार पर भ्रष्टाचार, झूठ ते निजी मदाद हासल करने लेई मुल्खे गी तबाही बर्बादी की भट्ठी च धक्कने दा आरोप लाया ऐ। अवामी लीग दे सोशल मीडिया प्लेटफार्म पर नमें बरे दे अपने सनेए च उनें आखेआ जे बंगलादेश गी बर्बाद करने की साजश रचने आहले लोक हुन बेनकाब होई चुके दे न।

<><><><><>

## Pakistan Accident

पाकिस्तान दे पंजाब प्रांत च इक बस ते वैन की टक्कर च मरोने आहलें की गिनतरी 14 होई गई ऐ। जिसलै जे 16एं घायलें झा इलाज चलै करदा ऐ। हासल जानकारी मुजब कल संज्ञा पेश आए दे इस हादसे च 9 जनें की मौके पर गै मौत होई गई ही जिसलै जे गंभीर तौरा पर घायल 5 होरनें की इलाज दरान मौत होई गई। एह हादसा उसलै पेश आया जिसलै बैटनरी युनिवर्सिटी दे विद्यार्थिं गी ल्हौर लेइयै जा'रदी बस की सामने आवा करदी इक वैन कन्नै टक्कर होई गई।

<><><><><>

## Vice Air Chief

एयर मार्शल नागेश कपूर नै अज्ज भारती वायु सेना दे उप प्रमुख दा ओहदा सम्भेआ। रक्षा मंत्रालय नै इक बयान च आखेआ जे 39 बरे थमां बढ़ दे अपने सेवाकाल च एयर मार्शल कपूर नै कई चाल्ली दे कमांड, ऑपरेशनल, इंस्ट्रक्शनल ते स्टाफ पदे पर कम्म कीते दा ऐ। उनें महत्वपूर्ण सामरिक ते राजनयिक भूमिकाएं च बी कार्य कीता ऐ। एयर मार्शल कपूर नै एयर मार्शल नर्मदेश्वर तिवारी थमां पदभार सम्भालेआ।

<><><><><>

## UPI

युनिफाइड पेमेंट्स इंटरफेस नै दिसंबर च अपने विकास की रफ्तार कायम रखदे होई साल दर साल 29 फीसद दा बाढ़ा दर्ज कीता ऐ जेड़ा 21.63 बिलियन रपे ऐ। नेशनल पेमेंट्स कार्पोरेशन ऑफ इंडिया दे आंकड़ें दे मताबक पैसे दे लैन-देन की कीमत 20 फीसद सलाना बाढ़े कन्नै 28 लख करोड़ पुज्जी गई ऐ।

<><><><><>

## Matri-Vandana

गर्भवती महिलाएं ते बच्चें गी दुध पलेयाने आहली माताएं लेई सरकार की इक प्रमुख योजना प्रधानमंत्री मातृ वंदना योजना दे अज्ज 9 बरे पूरे होई गए न। स्टाडे संवाददाता नै जानकारी दित्ती ऐ जे एह योजना पैहली जनवरी 2017 च पटेयाली महिलाएं गिल्लुएं गी दुध पलेयाने आहली महिलाएं गी उंदी सेहत ते खुराक च सुधार लेई माली सहायता उपलब्ध कराने दे मकसद कन्नै शुरू कीती गई ही। एहदा मकसद बच्चें ते मौरिएं की सेहत गी यकीनी बनाने लेई गर्भधारण कोला लेइयै बच्चें दे जनम ते ओहदे बाद बी खुराक दा खास ध्यान रखना, यचगी अस्पतालें च कराने लेई प्रोत्साहित करना ते बच्चिएं की जनम कोला पैहले हत्या यानि भ्रूण हत्या की कवैतू गी खत्म करने दे मकसद कन्नै बी एह योजना शुरू कीती गेदी ऐ। एहदे तैहत पैहले बच्चे लेई 5 जहार रपे की रकम 3 किशतें च लाभार्थी महिला गी दित्ती जंदी ऐ। एहदे च 1 जहार रपेआ बच्चा ठैहरने पर पंजीकरण कराने पर, 2 जहार रपे, 6 महीने जांच दे बाद 2 जहार रपे बच्चे दे जन्म ते शुरूआती टीकाकरण दे बाद त्रीऽ किशत दे रूपै दित्ते जंदे न।

<><><><><>

## Fast Tag

राष्ट्री जरनैली शिड़क सरबंधी भारती प्राधिकरण एन.एच.ए.आई नै अज्ज आखेआ ऐ कि अगले महीने की पैहली तरीक सवां सब्बै नमें फास्टैग जारी करने लेई कारें दे Know your vehicle यानि KYV कार्ड बंद करी दित्ते जाडन। जरनैली शिड़क ते सड़क ट्रांसपोर्ट मंत्रालय नै आखेआ कि एह कार्रवाई जरनैली शिड़कें पर गड्डी चलाने आहले की सुविधा ते फास्टैग एकटीवेशन दे बाद पेश औनी आहली परेशानी गी खत्म करने लेई कीती गई ऐ। मंत्रालय नै इब्बी आखेआ ऐ जे छड़े शकैत आहले विशेष मामले च गै KYV कार्ड जरूरी होग ते जेकर कोई शकैत नेई थ्हेंदी तां मजूदा कार फास्टैग लेई KYV कार्ड की लोड नेई होगा।

<><><><><>

पुंछ जिले च कब्जा रेखा दे पारा थमां इक पाकिस्तानी ड्रोन नै इस बक्खी आइयै संदिग्ध विस्फोटक सामग्री, थेआर-असलाह ते नशीले पदार्थ भारती इलाके च सुट्टे जेह्दे मगरा सुरक्षाबलें आसेआ ओकडे इलाके च बड्डे स्तर पर तपाशी अभियान चलाया गेआ। अधिकारिक सूत्रें मूजब, पाकिस्तान आहली बक्खी दा आए दा इक ड्रोन गुलपुर सैक्टर च रंगड नाला, खारी रोककर ग्रांड च दाखल होआ ते 5 मिनटें शा मते चिरै धोड़ी उत्थे रूकने परैंत वापस कब्जा रेखा दे पार चली गेआ। इस घुसपैठ दे दरान ड्रोन नै इक आई.ई.डी, असलाह ते नशीले पदार्थ भारती इलाके च सुट्टे। पाकिस्तानी ड्रोन दी घुसपैठ दा पता लगदे गै भारती फौज ते जम्मू-कश्मीर पुलस पूरे इलाके च घेराबंदी ते तपाशी अभियान शुरू करी दित्ता तां जे ड्रोन आसेआ इस बक्खी सुट्टी गेदी चीजें दा पता लाइयै आतंकी योजनाएं गी नाकाम कीता जाई सकै।

<><><><><><>

### Bangladesh-National

सीमा सुरक्षा बल नै जम्मू जिले दे गजनसू थाह च अंतरराष्ट्री सीमा दे कोल हिरासतै च लैते गेदे 1 बांग्लादेशी नागरिक गी जम्मू-कश्मीर पुलस दे हवाले कीता ऐ। सीमा पर रूटीन चौकसी बरतदे होई बीएसएफ कर्मिं इस बांग्लादेशी नागरिक गी फगडेआ ते बाचा कानाचक्क पुलस स्अेशन च पौने आली सीमा पुलस पोस्ट च पेश कीता गेआ। पुलस नै हिरासत च लैते गेदे बांग्लादेशी नागरिक दी पंछान शरीफुल इस्लाम भुइया पुत्र मोजिबुल इक भुइया, उम्र 19 बरे दे तौर पर कीती गई ऐ जेड़ा बांग्लादेश दे कोमिला जिला दे अद्रा थाह दा रौहने आहला ऐ। शुरूआती कार्रवाई पूरी करने दे परैंत, बीएसएफ नै बांग्लादेशी बसनीक गी अग्रे दी कनूनी कार्रवाई आस्तै पुलस गी सौंपी दित्ता ऐ। अग्रे दी जांच जारी ऐ।

<><><><><><>